

# “Kwonaaj ke Itok ñan Peptaij eo Aō?”

Jān Rebecca Hogg and  
Eric B. Murdock  
(Pedped ioon juon  
bwebwenato emool)

*“Ejjelok armej en kajekoon eok kōn am  
likao, a kwōn juon joñak ñan ro rej  
tōmak” (1 Timote 4:12).*

Oliver ekar jab maroñ kōttar an wiik eo ejjelok. Wiik eo tok juon eaar juon raan eļap ekar kōttare jān ke eaar emen an iio. Eaar tōn kar peptaij.

Oliver eaar kanooj laudiñdiñ kōn peptaij eo an joñan eaar kōñaan ekkelok kake jān ioon bōrroj eo ñan aolepān England bwe en roñ! Eaar jab maroñ kōttar ñan jiroñ eo mōttan Dylan ilo jikuul.

“Ijjab tōmak. Raan in peptaij eo aō *āliktata* enañin tōpraktok,” Oliver eaar ba. “Enaaj lukkuun aiboojoj!”

“Iaar lōmñak niñniñ ro wōt rej peptaij.” Dylan eaar ainwōt etarpok.

“Ajri ro raikuj in ruwalitok aer iio ñan peptaij ilo Kabuñ eo an Jisōs Kraist im Armej ro Rekwojarjar ilo Raan-ko *Āliktata*,” Oliver eaar ba. “Ej Kabuñ eo aō.”

“Emman” Dylan eaar ba.

Oliver eaar kōñaan ekkelok kake jān ioon bōrroj eo bwe aolep England en roñ!



Ejjab to eaar wōr juon an Oliver lōmñak. “kwonaaj ke itok ñan peptaij eo aō?”

“Aaet,” Dylan eaar ba. “Bōtaab ij aikuujin kajitok ippān jinō im jema.”

“OK!”

Oliver eaar laudiñdiñ bwe Dylan emaroñ itok ñan peptaij eo an. Menin eaar leļok ñan e ar juon lōmñak. “Ijjab kōñaan wōt kwaļok peptaij eo aō ippān baj *juon* wōt mōtta. Ikōñaan kūr joñan lōñ in armej eo wōt imaroñ!” Oliver eaar ekairiļok ñan mweo imōn im kar jiroñ Jinen eaar wōr juon an karōk.

Ilo Jabōt in jitļok eo mokta jān peptaij eo an, Oliver eaar jino karōk eo an. Eaar kwaļok naan in kamool eo an ilo lokatok eo; innām ear ba, “Ñaij peptaij Jadede in tok, im ikōñaan bwe aolep ren itok! Kom naaj ke jouj im kūr jabdewōt kom jeļā ejjab juon membōr, ak eo ejjab itok ñan jar, ñan iien peptaij eo aō?” Eaar enjake ainwōt juon mijenede Eaar lukkuun emman enjake jab eo ippān!

Ilo wiik eo tok juon, Oliver eaar karuwaineneik ro mōttan, ro uwaan baamle eo, im rūkaki ro an ñan iien peptaij eo an.

“Enaaj ļap meļeļe in ñan ña eļañne kom naaj maroñ itok!” eaar jiroñ er.

Ke eaar epaaktok Jadede eo, Oliver eaar jino lōmñak ewi lōñ in armej ro renaaj lukkuun jedetok. Ta eo eļañne raar aolep lukkuun poub ak jab kōñaan itok?



Eaar kōmmane juon jar ekadu bwe diktata jet armej ro eaar karuwaineneik er renaaj kar itok. Innām eaar bōjrak an inepata kōn wōn ro remaroñ jetetok. Eaar jeļā eaar kōmmane juon men emman kōn karuwaineneik er. Ijellokin, men eo eaorōk tata kōn raan eo eaar kōn aō peptaij.

Ke eaar tōparļok mōn jar eo ilo raan in peptaij eo an, Oliver eaar pen an tōmak kōn mejān. Elōñ iaan ro mōttan raar pād ijo ñan rie e. Emool eaar lo elōñ armej ro eaar jab jeļā kajier. Eaar jeaļ ke Dylan eaar deļoñļok ippān jinen im jemen.

Ke eaar iien ñan peptaij, Oliver eaar tuwaakļok ñan dān eo emeņeņ. Jemen eaar jibwe pein, ainwōt aer kar kōmālmel. Innām eaar ba jar in peptaij eo ekadu im lelaļok Oliver ñan dān eo. Mokta jān an kar jeļā, Oliver eaar jutak lōntak bar juon alen—aeņak im ūjō. Eaar jeļā eaar ļoor waanjoñak eo an Jisōs.

Ālkin an Oliver kar jānij ñan nuknuk ko remōrā, jemen im jet emman ro raar kapen e juon uwaan Kabuñ in im leļok ñan e juon kōjeraamman ejenolok, ijo raar kūr e ñan bōk menin letok eo an Jetōb Kwojarjar. Ālkin wōt, Oliver eaar kajitok eļañne emaroñ kwaļok naan in kamool eo an.

“Kom kanooj in emool kōn ami itok ñan rie eō ilo rainin aō eaorōk. Eļap meļeļe in ñan ña,” Oliver eaar ba. “Ij kamoolol kōn aō peptaij, im ij tōmak eñin ej Kabuñ eo an Kraist ioon laļ in.”

Ālkin wōt, armej ro raar itok ñan ñan kōjeraamman Oliver.

“Komool kōn am karuwaineneik eok!” Dylan eaar ba. “Eaar wōr juon aō enjake emman itulowa.”

“Aolep raar kanooj in jouj!” Jinen Dylan eaar ba. “Kōm kar lukkuun in enjake ruwainene.”

Joten eo, Jema eaar ijjet ilo jabōn kein kiki eo an Oliver. “Juon raan emman!” Jemān ekar ba.

Oliver eaar emajidjid. “Ij mōñōñō iaar maroñ kwaļoke ippān ro mōtta.” ●

*Rijeje eo ej jokwe ilo Kent, England, im Utah, USA.*